

# INUIT ATAQATIGIIT



UPA 2019/018  
25.03.19.  
Peter Olsen

**Unga siunnersuut: Imigassat ilaannut Kalaallit Nunaanni sananeqarsimasunut akitsuutit pillugit Inatsisartut inatsisaata allanngortinneqarnissaa pillugu Inatsisartut inatsisaat**

**(Aningaasaqarnermut Nunanilu Avannarlerni suleqatigiinnermut Naalakkersuisoq)**

Naalakkersuisunut ilaasortap Naalakkersuisut sinnnerlugit aaliangiiffigisassatut siunnersuutaanut qulaani pineqartumut qujalluta, matumuuna Inuit Ataqatigiinniit imaattumik oqaaseqaateqassaagut.

Angerlasimaffimmi immiortartarnermut tunngatillugu pillasarnermut, pineqaatissiisarnermullu tunngatillugu ullumikkut inatsisaasup atuutup ersarluppallaarnera, qasungavallaaneralu Naalakkersuisut taamatut allanngutissamik siunnersuuteqarnerminnut tunngavilersuutigaat.

Inatsisartut inatsisaata allanngortinneqarneratigut inatsit atuuttoq ersarisarneqarlunilu sukateriffingeqassaaq, tamaaliornikkut immiortarnerup inerteqqutaanera, pillagaassutigineqarsin-naaneralu ersarissarneqassaaq, taassumalu saniatigut akitsuummik akiliinngitsoorsimasut aamma pillarneqarsinnaanissaannut najoqquṭassaaq sukaterneqarlunilu ersarissarneqarpoq.

Inatsisisap allannguutissaa manna pineqartoq tusarniaassutigineqarsimavoq, tusarniaanerlu ajunngitsumik ingerlasimatut Inuit Ataqatigiinniit nalilerparput.

Taamaattumik annerusumik oqaaseqarfingeqqinnagu Naalakkersuisut allannguutissatut siunnersuutaat taamatut isikkoqartillugu Inuit Ataqatigiinnit akuersaarpalput.

Qujanaq

Peter Olsen